

Uillut il.il. pillugit Kalaallit Nunaannut nalunaarut

Inuussutissat il.il. pillugit inatsisip Kalaallit Nunaannut atortuulersinneqarnissaanik peqqussut nr. 523, 8. juni 2004-meersumi § 9, imm. 2, § 10, § 12, § 36, § 46, imm. 2, § 47, § 50, imm. 2, § 56, § 57, imm. 1, § 58, § 59, § 62, imm. 4 kiisalu § 69, imm. 3 – 4-miittut naapertorlugit aalajangerneqarpoq:

Kapitali 1

Atuuffii nassuiaatillu

§ 1. Nalunaarummi pineqarput tunisassiorfeqarfinnik, uillunik il.il. katersuiffiusunik, toqqaannartumik nerineqartussanik imaluunniit suliareqqinneqartussanik nakkutiginninnerit.

Imm. 2. Aammattaaq nalunaarummi pineqarpoq peqqinnissaq eqqarsaatigalugu najoqqutarineqartartoq imeq tarajulik minguitsoq, uillunik il.il. saliinermut, imertaajaanermut sioraajaanermullu atorineqartartoq.

Imm. 3. Nalunaarut taamaallaat atuuppoq inuussutissanik tuniniaanermut aamma tuniniarnissaat siunertaralugu suliarinninnermut, tamarmiullutik imaluunniit ilaannaat inuussutissanik uumasuinngaanneersut.

Imm. 4. Nalunaarut atuutinngilaq ingerlatsivinnut, inuussutissanik taamaallaat Kalaallit Nunaata iluani tuniniassallugit tuninisassiortunut.

§ 2. Matumani nalunaarummi nassuiaatit ukununnga atuupput:

- 1) Ingerlatsiviit inuussutissaleriffiit pillugit Kalaallit Nunaannut nalunaarut, aamma
- 2) Nerisassiat uumasuneersut pillugit pisortat nakkutilliinissaannik aaqqissuusinermit aalajangersakkat pillugit Kalaallit Nunaannut nalunaarut.

Imm. 2. Uillut il.il. pineqarput uumasut qituttut illugiinnik qaleruallit, qimerloqanngitsut, qituperaat aamma siuteqqut.

Imm. 3. Alget toqunartulinni pineqarput alget toqunartullit aamma toqunartoqariaannaat, alget toqunartuliorsinnaasut.

Imm. 4. Alget toqunartui pineqarput toqunartut, inunnut napparsimalersitsisartut aamma uilluni il.il. katersuussinnaasut.

Imm. 5. Katersuiffinni pineqaput salliutillugit tunisassiortup katersuina aamma aalisarnera uillunik il.il.tukertitaanngitsunik, tunisassiorfeqarfimmiit aamma tukertitsiveqarfimmiit kiisalu salliutillugit tunisassiortup kinguaassiortitaanit aamma katersaanik uillunik il.il.tukertitsiveqarfimminngaanniit.

Imm. 6. Tukertitsiveqarfimmi pineqarpoq atortussiaq, tunisassiorfeqarfiup ilaani aalajangersimasumi, salliutillugit tunisassiortup Kalaallit Nunaanni Namminersornerullutik Oqartussaanninngaanniit uillunik il.il. tukertitsiviginissaanut akuersissummik pissarsiffigisimasaa.

Imm. 7. Sioraajaanermi pineqarpoq suli uumasunik uillunik il.il., atortussiani minguitsunik tarajulimmik imeqartuni imaluunniit piffimmi pinngortitaassutsiminni alliarortarfianni sioqqat,

marulluit imaluunniit nuarujuit peernissaat siunertaralugu kissallugit suliarineqartussanik toqqorsigallarneq.

Imm. 8. Tukertitsivinnut iliseqqinnermi pineqarpoq uillunik il.il. immap naqqanut imaluunniit tunisassiorfeqarfinnut A-mut immikkoortinneqarsimasunut napasuliamut imilimmut (vandsøjle) ilisineq pitsaassuseeq A-mut pinissaat siunertaralugu uumassusilinnik tappiorannartuiarneqarlutik salinneqartut. Uillunik il.il. suli amerlisaqqinniarlugit nuussineq matumani pineqanngilaq.

Kapitali 2

Tunisassiorfeqarfiit – agguataarnerat, inissisimanerat il.il.

§ 3. Uillunik il.il. katersineq tunisassiorfeqarfinni ilanngussaq 1-imi taaneqartut iluanni taamaallaat ingerlanneqartassaaq

§ 4 naapertorlugu ammarneqarsimasuni, aamma kapitali 4-mi aamma 6-imi aalajangersakkat malillugit immikkoortiterneqarsimasuni, takukkilli §§ 9 aamma 10.

Imm. 2. Uumassuseqarsinnaasunut tappiorannartunut saliivissatut inisseeqittarfiit Fødevarestyrelsiminngaanniit aalajangersarneqassapput, saliinissaq siunertaralugu tukertitsivinnut iliseqqinnermut ingerlatseriaaseq Fødevarestyrelsiminngaanniit akuerineqassaaq.

Imm. 3. Imm. 1 apeqqutaatinnagu illoqarfinniit, nunaqarfinniit 2 sømilip iluani, aamma eqqaaveqarfinni eqqaannilu aamma igitsivinni, erngup igitassap kuuffiini kiisalu umiarsualiveqarfinni, umiatsialiveqarfinni assigisaannilu mingutsisinerup pilerfigisaanni imaluunniit taakku eqqaanni, uillut il.il. peqqissuunissap tungaatigut pitsaassusaannik eqqiluinnerannillu ajornerulersitsisinnaasuni uillunik il.il. katersuisoqassanngilaq.

Imm. 4. Uillunik il.il. taamaallaat tukertitsiveqarsinnaavoq tunisassiorfeqarfinni ilanngussaq 1-imi taaneqartut iluanni.

Kapitali 3

Tunisassiorfeqarfiit – algenik toqunartulinnik aamma alget toqunartuinik nakkutiginninneq

§ 4. Fødevareregion Nord, Kontrolafdeling Viborg, tunisassiorfeqarfinni ataasiakkaani uillunik il.il. tukertitaanngitsunik uumasogatigiinnit assigiinngitsuneersunik ataasiakkaanik katersinermik imaluunniit tukertitsiveqarfinni ataasiakkaani uillunik il.il. tukertitanik uumasogatigiinnit assigiinngitsuneersunik ataasiakkaanik katersinermik ammaassapput immikkoortillugit, imaattoqarpat:

- 1) Salliutillugit tunisassiorfeqarfiup imaluunniit tukertitsiveqarfiup ammarnissaa sapaatip akunneranik sioqqullugu tigooraappat, nassiussippat qulakkeeralunilu uillunit il.il. suli uumasunit uumasogatigiinnut pineqartunut aalajangersakkat ilanngussaq 2-miittut malillugit alget toqunartuinut imaqassutsimut misiligutit misissoqqissaarneqarnerannik.
- 2) Salliutillugit tunisassiorfeqarfiup imaluunniit tukertitsiveqarfiup ammarnissaa sapaatip akunneranik sioqqullugu tigooraappat, nassiussippat qulakkeeralunilu imermik misiligutit ataatsit aalajangersakkat ilanngussaq 3-miittut malillugit, takuulli imm. 3, algenik toqunartulinnik imaqassutsimut misiligutit misissoqqissaarneqarsimanerannik.
- 3) Taakku nr. 1-imi 2-milu misiligutit taaneqartut imminnut malisungaannarlutik sumiissutsimi ataatsimi tiguneqarput.

- 4) Salliutillugit tunisassiorortoq qulakkeerippat, misissueqqissaarnerit inernerat Fødevareregion Nordimut, Kontrolafdeling Viborgimut nassiunneqarnerannik.
- 5) Misissueqqissaarnerit inernerisa takutippassuk
 - a) uillut il.il. alget toqunartuinik imaqassusaasa peqqinnissaq eqqarsaatigalugu najoqqutarineqartartoq inuussutissat pillugit Kalaallit Nunaannut nalunaarummiittut malikkaat, aamma
 - b) imermi tunisassiorfeqarfimmi imaluunniit tukertitsivimmi pineqartumi algenik toqunartulinnik imaqassusaata ilanngussaq 4-mi killissarititaasut malikkaat.
- 6) Fødevareregion Nord, Kontrolafdeling Viborg, uillut il.il. tunisassiorfeqarfimmeersut imaluunniit tukertitsivimmeersut nerineqarnissaminnut naleqqunnersut nalilerpassuk.

Imm. 2. Ilanngussaq 1-imi, kapitali 1, nr. 3-imiittup tunisassiorfeqarfiup normuata nalunaarneratigut imaluunniit tukertitsiffiup akuerisaasimanermut normuata nalunaarneratigut, Fødevareregion Nord, Kontrolafdeling Viborgip Fødevarestyrelsip nittartagaatigut www.foedevarestyrelsen.dk/Kontrol/Kontroltyper/Muslingeovervagning nalunaarutigissavaaa tunisassiorfeqarfiit aamma tukertiviit sorliit katersuiffigineqarnissamut ammarsimanersut.

Imm. 3. Suli uumasunik tukertitaanngitsunik pectinidae-inik (uiluinnik) katersinermi imermik misiligutinik tigusinissaq pillugu imm. 1, nr. 2-mi taaneqarsimasunut ilanngunneqanngilaq. Suli uumasut pinngortitaaffimmiittut pectinidae-it (uiluiit) taakku pillugit immikkut ittumik aalajangersakkat § 10-miittut malillugit katersorneqassapput.

§ 5. Tunisassiorfeqarfik imaluunniit tukertitsivik Fødevareregion Nord, Kontrolafdeling Viborg -ip ullormit ammaanermut atatillugu nalunaaruteqaraniit sapaatip akunnera ammassaaq tamatumalu kingorna taamaaliinnarlugu matuneqarluni.

Imm. 2. Tunisassiorfeqarfiup imaluunniit tukertitsiviup ammanera § 4, imm. 1-imi malittarisassat malillugit ingerlatiinnarneqarsinnaavoq, salliutillugit tunisassiorortoq uillunit il.il. aamma imermit misiligutissanik sapaatit akunneri tamaasa katersuiffiup ulluisa siullianni tiguisarpat.

Misiligutissanik ataatsimut tigooraaneq

§ 6. Fødevarestyrelsip akuerisinnaavaa, salliutillugit tunisassiorartut eqimattat, uillunik il.il. tukertitaanngitsunik katersuisut piffimmi tunisassiorfeqarfimmi ataatsimi, imaluunniit ingerlatsiviit eqimattat, uillunik il.il. tukertitaanngitsunik piffimmi tunisassiorfeqarfimmi ataatsimeersunik pisartut, taakkuninnga § 4 aamma § 5-imi taaneqartunik misiligutinik uillunit misiligutissanik aamma imermik misiligutissanik tigooraanissamut ataatsimut pilersaarusoqatigiinnermik pilersitsinissaat.

Imm. 2. Fødevarestyrelsip akuerisinnaavaa, salliutillugit tunisassiorartut eqimattat, uillunik il.il. tukertitsiveqarfimmit katersuisut imminnut qanittunnguullutik inissisimasuni, aamma uilluit il.il. alget toqunartuinik mingutsinneqarsinnaanerata ulorianassusaa assigiiaartutut nalilerneqarsimappat, imaluunniit ingerlatsiviit eqimattat, tukertitsiveqarfimmit taamaattunit uillunik il.il. pisartut, taakkuninnga § 4 aamma § 5-imi taaneqartunik misiligutinik uillunit misiligutissanik aamma imermik misiligutissanik tigooraanissamut ataatsimut pilersaarusoqatigiinnermik pilersitsinissaat.

Imm. 3. Taakku imm. 1 aamma 2-mi taaneqartut akuersissutit tunniunneqartarput salliutillugit tunisassiorartut aamma ingerlatsiviit piumasaqarfiginerisigut:

- 1) Sapaatit akunnikkaartunik misiligutissanik tigooraaviit sumiissusaat tamaasa najoqqutassianut immallu assinganut nalunaarneqarsimasunik takussutissanik imaqartunik allattugaatiliortassasut, angallatip normuata imaluunniit tukertitsiveqarfiup normu

akuersissutaataata, tunisassiorfeqarfiup normuata, ulloq misiligutissamik tigussiffiusup aamma ulloq misiligummik tigusaqarfiusup nalunaarneri ilanngullugit.

- 2) Uillunit il.il. uumasogatigiinnit assigiinnigitsuneersunit tamanit minnerpaamik misiligut ataaseq aamma tunisassiorfeqarfinit imaluunniit tukertitsiveqarfinit tamanit imermik misiligutit ataatsimoortut ataatsit nassiutissagaat § 4, imm. 1-imi allanneqarsimasutut.
- 3) Misiligutit sinneri ilanngussaq 2-mi aamma 3-mi allaaserineqarnerituut toqqortarissagaat.
- 4) Nakkutilliinermi misiligutit toqqortarissagaat kingusinnerusukkut algetoksineqassutsimut misissoqqissaarneqarsinnaanerannut tunngatillugu.
- 5) Allattugaatit nr. 1-imi taaneqartut qarasaasiakkoortillugit sapaatit akunneri tamaasa Fødevareregion Nord, Kontrolafdeling Viborg-imut nassiuttassagaat, muslingeovervågning@fvst.dk-imut. Nassiussineq pisassaaq sapaatip akunnerani tullinnguuttumi ullormi katersuiffimmi siullermi.

Algenik toqunartulinnik algellu toqunartuunik sukannernerusumik nakkutilliineq

§ 7. Fødevareregion Nord, Kontrolafdeling Viborg tunisassiorfeqarfimmi ammasumi imaluunniit tukertitsiveqarfimmi ammasumi uillunik il.il. katersinissaq ingerlanneqassanersoq aalajangiisinnaavoq, sukannernerusumik nakkutilliinerup ataani ilanngussaq 5, kapitali 1-imi aalajangersakkat malillugit, ilanngussaq 4-imi imarmi alget toqunartoqassutsimut nalinga killissarititaasup ataaniittoq takussutissaqarpat, imaluunniit uillut il.il. alget toqunartuunik imaqassusaannut peqqinnissaq eqqarsaatigalugu najoqqutarineqartartoq inuussutissat pillugit Kalaallit Nunaannut nalunaarummiittoq, imaluunniit nakkutilliinerit inerneru aallaavigalugit tamatumunnga ulorianaateqassapat.

Imm. 2. Fødevareregion Nord, Kontrolafdeling Viborg tunisassiorfeqarfimmi ammasumi imaluunniit tukertitsiveqarfimmi ammasumi uillunik il.il. katersinissaq ingerlanneqassanersoq aalajangiisinnaavoq, sukannernerusumik nakkutilliinerup ataani ilanngussaq 5, kapitali 1-imi aalajangersakkat malillugit imarmi Pseudo-nitzschia spp.-eqarneranut killissarititaasunut nalingat qaangerneqarsimasooq takussutissaqarpat, kisianni uilluni il.il. alget toqunartoqarnerooq takussutissaqarani.

Imm. 3. Pseudo-nitzschia spp.-eqarneranut killissarititaasup nalinga qaangerneqarsimappat, aamma uilluni il.il. alget toqunartoqarnera takussutissaqarpat, Fødevareregion Nord, Kontrolafdeling Viborg-ip tunisassiorfeqarfik matussavaa.

Imm. 4. Fødevareregion Nord, Kontrolafdeling Viborg tunisassiorfeqarfimmi imaluunniit tukertitsiveqarfimmi uillunik il.il. katersinissaq ingerlanneqassanersoq aalajangiisinnaavoq, Pseudo-nitzschia spp.-eqarneranut killissarititaasup nalingata qaangerneqarsimanerata nalaani sukannernerusumik nakkutilliinerup ataani ammarneqarsimasumi, takuuk imm. 2, tamanna ingerlanneqarsinnaavoq ilanngussaq 5, kapitali 1-imi nalunaarneqarsimasuni pissutsini qajassuarnarnerusuni. Salliutillugit tunisassiorortoq Fødevarestyrelsiliu pissutsit qajassuarnartut pillugit allakkatigut nalunaarfigineqassapat.

Imm. 5. Uillunik il.il. sukannernerusumik nakkutiginninnerup ataani katersinermi salliutillugit tunisassiorortoq tunisassiat immikkoortukkaat tamaasa tulaanneqarnerisa kingorna piaartumik Fødevareregion Nord, Kontrolafdeling Viborg-imut nalunaarutiginnittassaaq, nalunaarsorneqarsimanermut uppernarsaatip assilinerata nassiunneratigut.

Tunisassiorfeqarfiit – matusineq ammaaqqinnerlu

§ 8. Fødevareregion Nord, Kontrolafdeling Viborg, §§ 4-6 aamma §§ 9 aamma 11-imi aalajangersakkat apeqquaatinnagit tunisassiorfeqarfinni aamma tukertitsiveqarfinni

aalajangersimasuni aalisarneq il.il. aamma katersineq inerteqqutigisinnaavai, imaq algenik toqunartulinnik peqarpallaartutut imaluunniit uillut il.il. alget toqunartuunik peqarpallaartutut nalilerneqarpat, tunisassiat nerisassatut piukkunnassusaannik sunniuteqartussamik.

Imm. 2. Uillut il.il. alget toqunartuunik killissarititaasutut nalilerneqarsimasoq qaangerlugu peqarpallaartutut inerneris takussutissiisut tamaavimmik, misissueqqissaariaaseq atorneqarsimasoq apeqqutaatinnagu, kingunerissavaat tunisassiorfeqarfinnik attuumassuteqartunik matusineq aamma tunisassianik immikkoortukkaanik attuumassuteqartunik utertitsineq.

Imm. 3. Fødevareregion Nord, Kontrolafdeling Viborg, aalisarnermik il.il. aamma katersinermik tunisassiorfeqarfimmi imaluunniit tukertitsiveqarfimmi imm. 2-mi aalajangersagaq malillugu matoqqassimasumik taamaallaat ammaqqissinnaavoq, misissueqqissaarnerit inernerisa marluk imminnut maliinnartut sapaatit akunnerini marlunni imminnut maliinnartuni, sapaatip akunnerani alget toqunartuunik peqarpallaartutut nalilerneqarsimasut paasineqarnerisa kingorna, takutippassuk alget toqunartuunik aamma algenik toqunartulinnik akoqassusaasa killissarititaasutut nalingat ataassimagaa. Misissugassanik tigusarneq, nassiussarneq misissuisarnerlu kiisalu inernerinik nalunaaruteqartarneq § 4, imm. 1, nr. 1-4 aalajangersakkat malillugit ingerlanneqartassaaq.

Imm. 4. Fødevareregion Nord, Kontrolafdeling Viborg, piffissani, toksiske algeqarnermut killissarititaasut nalingannik qaangiisimasuni, apeqqutaatinnagu alget toqunartuunik uilluni il.il. malunnartoqalersimanersoq, katersinerit il.il. matussavaat.

Imm. 5. Fødevareregion Nord, Kontrolafdeling Viborg, taamaallaat aalisarnermik il.il. aamma katersinermik tunisassiorfeqarfimmi aamma tukertitsiveqarfimmi imm. 4-mi aalajangersagaq malillugu matoqqassimasumik ammaqqissinnaavoq, misissueqqissaarnerit inernerisa marluk imminnut maliinnartut, imermik aamma uillunik il.il. misiligutit akunnernik 48-nik akuttussusilimmik tiguneqarsimasut, takutippassuk alget toqunartuunik aamma algenik toqunartulinnik akoqassusaasa killissarititaasutut nalingat ataassimagaa. Misissugassanik tigusarneq, nassiussarneq misissuisarnerlu kiisalu inernerinik nalunaaruteqartarneq § 4, imm. 1, nr. 1-4 aalajangersakkat malillugit ingerlanneqartassaaq.

Imm. 6. Fødevareregion Nord, Kontrolafdeling Viborg taamungaannaq tigusilluni misiligutissanik tigusisarnerit amerlassusissaannik aalajangersaassaaq, uillunit il.il. tunisassiakkaanit immikkoortunit tiguneqartussat, alget toqunartuunik aamma algenik toqunartulinnik akoqassusaannut killissarititaasut nalingannik ataassisimasunik, qulakkeeriniarluni, Inuussutissat pillugit Kalaallit Nunaannut nalunaarummi peqqinnissaq eqqarsaatigalugu najoqqutarineqartartutut aalajangerneqarsimasut nioqqutissat immikkoortukkaat killissarititaasutut nalissaq eqquutitinneraat.

Uillunik il.il. tukertitaanngitsunik katersinermi pisarisuukkat

§ 9. § 3, imm. 1-mi aalajangersakkat apeqqutaatinnagit uumasogatigiinnit uilluneersunik il.il. tukertitaanngitsunik tunisassiorfeqarfimmi pineqartuniittuni, uumasogatigiinnit uilluneersunik il.il. pineqartumik katersorneqarsinnaasunngortinneqanngitsunik pisarisuukkat, suliarineqassapput tunineqarlutillu:

- 1) Salliutillugit tunisassiortoq imaluunniit ingerlatsivik misissugassanik tigusippat, nassiussippat kiisalu uumasogatigiinnit uilluneersunik il.il. pisarisuukkanit algenik toqunartoqarnermut misissukkat inernerinik qulakkeerippat ilanngussaq 2-mi aalajangersakkat malillugit.
- 2) Salliutillugit tunisassiortoq imaluunniit ingerlatsivik qulakkeerippat, misissueqqissaarnerit inernerisa Fødevareregion Nord, Kontrolafdeling Viborg-imut nassiunneqarnerannik.
- 3) Misissueqqissaarnerit inernerisa uilluni il.il. alget toqunartoqarnermut misissukkat takutippassuk inuussutissalerinermik ingerlatsiviit pillugit Kalaallit Nunaannut nalunaarummiittut, peqqinnissaq eqqarsaatigalugu najoqqutarineqartartut eqquutikkaat.

- 4) Fødevareregion Nord, Kontrolafdeling Viborg naliliippat, uillut il.il. pisarisuukkaneersut nerineqarnissamut naleqquttuusut.

Imm. 2. Pisarisuukkat uumasogatigiinnit uilluneersuuppata il.il., sulii uumatillugit toqqaannartumik nerisassiarineqarnissaat kissaatigineqartut, taakku ilanngussaq 7-imiittut naapertorlugit misissoqqissaarneqassapput aamma eqquutitsissapput inuussutissalerinermik ingerlatsiviit pillugit Kalaallit Nunaannut nalunaarummiittunik, peqqinnissaq eqqarsaatigalugu najoqqutarineqartartut aamma Inuussutissani uumassuseqarsinnaasunut tappiorannartunut killissarititaasut pillugit Kalaallit Nunaannut nalunaarummiittunik.

Imm. 3. Uumasogatigiinnit uilluneersaq il.il., pisarisuukkanut ilaappat, imm. 1 imalunniit imm. 2 –mi aalajangersakkat malillugit misissorneqarsimasuni, taanna uumasogatigiinnit uilluneersaq il.il. pisarisuukkatut naatsorsuunneqarsinnaajunnaassaaq, aamma kapitali 3, 4 aamma 6-imiittut naapertorlugit nakkutigineqassaaq.

Pecnitinidae-nik (uiluiit) tukertitaanngitsunik katersinermi immikkut piumasagaatit

§ 10. § 3, imm. 1-imi aalajangersakkat apeqqutaatinnagit ilanngussaq 1-imi taaneqartut tunisassiorfeqarfiit pecnitinidaenik (uiluiit) tukertitaanngitsunik katersinerit ammassapput, Fødevareregion Nord, Kontrolafdeling Aalborg § 11 naapertorlugu matuneqarneranik imaluunniit sukannernerusumik piumasagaateqarnermik nalunaaruteqarnissaata tungaanut.

Imm. 2. Imm. 1-imi aalajangersagaq apeqqutaatinnagu, tunisassiorfeqarfiit, uilluni il.il. allani algetoksineqarnermut nassaartoqarsimanera tunngavigalugu matoqqatinneqartuni, assigisaanik § 8-mi malittarisassat malillugit uiluinniarnermut matoqqassapput.

Imm. 3. Tunisassiorfeqarfinni tamani:

- 1) Salliutillugit tunisassiorortoq ullormi aalisarfiusumi siullermi tunisassiorfeqarfinni tamani sapaatit akunneri tamaasa pecnitinidaenik (uiluiit) tukertitaanngitsunit misiligutissanik tiguisassaaq ilanngussaq 2, kapitali 1 aamma 2-mi aalajangersakkat malillugit.
- 2) Salliutillugit tunisassiorortoq nassiussissaaq qulakkeeralunilu algenik toqunartoqassutsimut misissueqqissaarnerit nr. 1-imi taaneqartut misiligutit ilanngussaq 2, kapitali 3 aamma 4 aalajangersakkat malillugit ingerlanneqarnerannik.
- 3) Salliutillugit tunisassiorortoq ilanngussaq 2-mi malittarisassat malillugit misiligutit tiguneqarsimasut nalunaaqutserneqarsimanerisa assilinerannik Fødevareregion Nord, Kontrolafdeling Viborg-imut nassiussissaaq.
- 4) Salliutillugit tunisassiorortoq, misiligutit inernerisa piaartumik Fødevareregion Nord, Kontrolafdeling Viborg-imut nassiunneqartarnerannik qulakkeerissaaq.
- 5) Misissueqqissaarnerit inernerisa takutissavaat, uilluni il.il. algenik toqunartoqassutsip tunisassiorfeqarfimmi pineqartumi inuussutissalerinermik ingerlatsiviit pillugit Kalaallit Nunaannut nalunaarummiittut, peqqinnissaq eqqarsaatigalugu najoqqutarineqartartut eqquutikkaat.
- 6) Salliutillugit tunisassiorortoq misissueqqissaarnerit inernerinik minnerpaamik ukiuni marlunni toqqortarinnissaaq.

§ 11. Fødevareregion Nord, Kontrolafdeling Viborg, § 10, imm. 2, nr. 5-imi taaneqartut misissueqqissaarnerit inernerisa § 7-imi malittarisassat malillugit sukannernerusumik nakkutilliineq imaluunniit § 8-imi malittarisassat malillugit tunisassiorfeqarfimmi katersinerimut matusineq kingunerissaneraat. naliliissaaq

Imm. 2. Fødevareregion Nord, Kontrolafdeling Aalborg tunisassiat immikkoortukkaat suujunnaarsinneqarnerannik qulakkeerissaaq § 10, imm. 2, nr. 5-imi taaneqartut algenik

toqunartoqassutsimut misissueqqissaarnerit inernerini killissarititaasut nalingat qaangerneqarsimappat. Tunisassiat immikkoortukkaat taamaattut utertillugit nassiunneqassanngillat, immikkoortukkaalli taakku nunami inissisimaffigisaminni suujunnaarsinneqassapput.

Imm. 3. Fødevareregion Nord, Kontrolafdeling Viborg tunisassiorfeqarfimmik matuneqarsimasumik § 8-mi malittarisassat malillugit ammaaqqissaaq.

Imm. 4. Imm. 1-imi naliliineq taaneqartoq tunuliaqutaralugu, Fødevareregion Nord, Kontrolafdeling Aalborg-imit Kalaallit Nunaanni Namminersornerullutik Oqartussat, Aalisarnermut, Piniarnermut Nunalerinermullu Naalakkersuisoqarfik sukannernerusumik nakkutilliineq aamma tunisassiorfeqarfinnik matusineq pillugu nalunaarfigineqassaaq.

Imm. 5. Ilanngussaq 1, kapitali 1, nr. 3-mi tunisassiorfeqarfiit normui nalunaarneqarsimasut nalunaarnerisigut imaluunniit tukertitsiveqarfiit akuersissutaasa normuisa nalunaarnerisigut, Fødevareregion Nord, Kontrolafdeling Viborg-i, Fødevarestyrelsen nittartagaatigut www.foedevarestyrelsen.dk/Kontrol/Kontroltyper/Muslingeovervagning nalunaaruteqassaaq tunisassiorfeqarfiit aamma tukertitsiveqarfiit sorliit, katersinermut matuneqarsimanersut, aamma sumi katersinermut sukannernerusumik misissuisoqalersimanersoq.

Pecnitinidae-nik (uiluiit) uumasogatigiinnit Pecten maximus aamma Pecten jacobaeus-ineersunik tukertitaanngitsunik suliarinninnermut katersinermullu immikkut piumasaqaatit

§ 12. § 4, imm. 1, nr. 5, litra a-mi aalajangersagaq apeqqutaatinnagu Fødevarestyrelsen pecnitinidae-nik (uiluiit) uumasogatigiinnit *Pecten maximus* aamma *Pecten jacobaeus*-ineersunik tukertitaanngitsunik katersineq akuersissutigisinnavaa timiminni tamarmi domoinsyre-qassusaata 20 mg kg-mut qaangiisimasunik, kisianni 250 mg kg-mut ataassisimasunik piumasaqaatigalugu:

- 1) Uiluiit katersorneqarsimassasut ilanngussaq 6, nr. 1 aamma 2 malillugit.
- 2) Nerineqarsinnaasortaani domoinsyre-qassusaata 4,6 mg kg-imut qaangersimassanngikkaa.
- 3) Uiluiit containerini imaluunniit qamutini angallatini angallanneqassasut, Fødevarestyrelsen innersuussutai malillugit aqerlumik parnaarusigaasimasunik, aamma tunisassiorfeqarfimmiit imaluunniit tukertitsiveqarfimmiit toqqaannartumik ingerlatsivimmuut nassiunneqassasut, uiluinnik pineqartunik immikkut ittumik suliarinninnissaminnut akuerisaasimasunut. Suliarinninnerup kingernerissavaa, hepatopaneas, timip ipiutaasartai aqitsut allallu mingutsinneqarsimasut, matumani §-imi aalajangersakkanik eqquutitsinngitsut, peerneqarnissaat suujunnaarsinneqarlutillu.
- 4) Uiluiit nalunaarsorneqarsimanermut uppersaammik immikkut ittumik ingerlaqateqartinneqassasut, Fødevarestyrelsiminngaanniit tunniunneqarsimasumik, aamma timip pisatai sorliit nerisassiarineqarnissaat siunertaralugu suliareqqaarneqarsinnaanerat nalunaarutigalugu.
- 5) Tunisassiami naammassisimasumi alget toqunartuinik amnesi-qalersitsisartoqassusaat, imaappoq ujalooq matussutissaq (kinguaasiut qinersitaqartoq peqanngitsorluunniit) nerisassiassaq, hepatopaneas-ip peerneqareerneratigut, timip ipiutaasartai aqitsut allallu mingutsinneqarsimasut, inuussutissalerinermik ingerlatsiviit pillugit Kalaallit Nunaannut nalunaarummiittut, peqqinnissaq eqqarsaatigalugu najoqqutarineqartartut qaangersimannngikkaat.
- 6) Katersineq ingerlanneqassasoq ilanngussaq 5-imi sukannernerusumik nakkutilliineq pillugu aalajangersakkat naapertorlugit.

§ 13. Ingerlatsivik qulakkeerinnissaaq, pecnitinidae-nik (Pecten maximus aamma Pecten jacobaeus) tukertitaanngitsunik tunisassiami naammassisimasumi tunisassiat immikkoortukkaat tamarmik § 12 naapertorlugu katersorneqarsimasut, misissorneqarsimassasut alget toqunartuinik amnesi-qalersitsisartoqassusaannut ilanngussaq 6, nr. 3-miittut naapertorlugit.

Imm. 2. Tunisassiorfeqarfimmit taamungaannaq tigusilluni misiligutissatut tigusaq, ilanngussaq 6, nr. 1 aamma 2-mi nassuiarneqarsimasutuut § 12 eqquutinngippat, tunisassiat immikkoortukkaat katersorneqarsimasut fodevareregionimit nakkutigineqartumik suujunnaarsinneqassapput.

Imm. 3. Tunisassiami naammassisimasumi taamungaannaq tigusilluni misiligutissatut tigusaq, ilanngussaq 6, nr. 3-mi nassuiarneqarsimasutuut alget toqunartuinik amnesi-qalersitsisartoqassutsimut inuussutissalerinermik ingerlatsiviit pillugit Kalaallit Nunaannut nalunaarummiittut, peqqinnissaq eqqarsaatigalugu najoqqutarineqartartut eqquutitinngippat, tunisassiat immikkoortukkaat fodevareregionimit nakkutigineqartumik suujunnaarsinneqassapput.

Imm. 4. Hepatopancreas, timip ipiutaasartai aqitsut allallu mingutsinneqarsimasortaasut Fodevareregion Nord, Kontrolafdeling Aalborg-imit nakkutigineqartumik suujunnaarsinneqassapput.

Kapitali 4

Tunisassiorfeqarfiit – tappiorannartunik uumassuseqarsinnaasoqarnermut immikkoortiterigallarneq

§ 14. Fodevareregion Nord, Kontrolafdeling Viborg uillunit il.il. uumasogatigiinneersukkaarlugit A, B aamma C-imut tappiorannartunik uumassuseqarsinnaatsimut immikkoortiterigallassaaq tunisassiorfeqarfinnik aamma immap immikkoortortaanik immikkoortiterinermini:

- 1) Salliutillugit tunisassiortoq tunisassiorfeqarfiup imaluunniit tukertitsiveqarfiup ammarnissaa sapaatip akunneranik sioqqullugu ilanngussaq 7-imi aalajangersakkat malillugit uillunit il.il. suli uumasunit tappiorannartunik uumassuseqarsinnaasuni mingutsitsinermut misiligutinik pingasunik misiligutissanik tigusippat, nassiussippat misissueqqissaarinermillu qulakkeerinnipat.
- 2) Nr. 1-imi taaneqartut misiligutit annat aqqutigalugit tunillaasinnaanermut – *E. coli-qarsinnaanermut aamma Salmonellaqarsinnaanermut* misissoqqissaarneqarpata ilanngussaq 7-imi aalajangersakkat malillugit.
- 3) Salliutillugit tunisassiortoq qulakkeerippat, misissueqqissarnerit inernerisa Fodevareregion Nord, Kontrolafdeling Viborg-imut nassiunneqarnerannik, inernerit immikkoortiterinermut atorneqarnissaannik kissaateqarnermik paasissutissartalerlugit.
- 4) Fodevareregion Nord, Kontrolafdeling Viborg-ip uillunit il.il. misiligutini tamani misissueqqissaarnerit inernerinik naliliippat, uumassuseqarsinnaasunik tappiorannartunik immikkoortiterisarneq pillugu aalajangersakkanut Kalaallit Nunaannut inuussutissani uumassuseqarsinnaasunut tappiorannartunut killissaritaasut pillugit nalunaarummiittunut aamma Kalaallit Nunaannut nerisassiat uumasuneersut pillugit pisortat nakkutilliinissaannik aqqissuusinermut aalajangersakkat immikkut ittut pillugit nalunaarummiittunut naleqquttuusut.

Imm. 2. Ilanngussaq 1-imi tunisassiorfeqarfiit normui taaneqarsimasut nalunaarnerisigut imaluunniit immap immikkoortortaaani A-mut imaluunniit C-imut immikkoortiterneqarsimanermut naleqqiiffiit nalunaarnerisigut Fodevareregion Nord, Kontrolafdeling Viborg nalunaaruteqassaaq tunisassiorfeqarfiit aamma immap immikkoortui sorliit, immikkoortiterneqarallaqqanersut aamma qanoq sivisutigisumik immikkoortiterigallarneq atuutissanersoq Fodevarestyrelsip nittartagaatigut

www.foedevarestyrelsen.dk/Kontrol/Kontroltyper/Muslingeovervaagning -ikkut ilisimatitsissutigineratigut.

Imm. 3. Suli uumasunik tukertitaanngitsunik pectinidae-inik (uiluinnik) katersineq imm. 1 aamma §§ 15 aamma 18-imi aalajangersakkanut ilaatinneqanngilaq.

§ 15. Tappiorannartunik uumassuseqarsinnaasunik immikkoortiterigallarnek tunisassiorfeqarfimmi imaluunniit immap immikkoortuani, Fødevareregion Nord, Kontrolafdeling Viborg-ip nalunaaruteqarneranut atatillugu ullormit nalunaarneqarsimasumit sapaatip akunnera katersuineranut atuutissaaq, tamatumalu kingorna immikkoortiterigallarnek taamaaliinnarluni atorunnaassaaq, takuulli imm. 2.

Imm. 2. Tappiorannartunik uumassuseqarsinnaasunik immikkoortiterigallarnek tunisassiorfeqarfimmi imaluunniit immap immikkoortuani § 14, imm. 1-imi malittarisassat malillugit attatiinnarneqarsinnaavoq, salliutillugit tunisassiorfeqarfimmi uillunit il.il. sapaatit akunneri tamaasa ullormi katersiffimmi siullermi minnerpaamik misiligummik ataatsimik tigusarpat.

Imm. 3. Fødevareregion Nord, Kontrolafdeling Viborg tunisassiorfeqarfimmi imaluunniit immap immikkoortuani immikkoortiterigallaqqissaaq, misissueqqissaarnerit inernerisa imm. 2-mi taaneqartut, tunisassiorfeqarfimmi immikkoortiterigallarnermi takussutissat atuuttut takutippassuk § 14 naapertorlugu nalunaarutigineqarsimasunit allannguuteqartoqarsimanera.

Imm. 4. Fødevareregion Nord, Kontrolafdeling Viborg, tunisassiorfeqarfimmi uillunik il.il. katersinermik matusissaaq uillunit il.il. misigutit ataatsit imaluunniit arlallit misissueqqissaarnermi inernerisa takutippassuk C-imut immikkoortiterinermut killissarititaasut nalingat qaangerneqarsimasoq.

§ 16. Uumassuseqarsinnaasunut tappiorannartunut B-imut immikkoortiterigallarnermi piffiup annertussusaa nalunaarutigineqarsimasoq nalunaarneqartassaaq tunisassiorfeqarfimmi pineqartumi naleqqiiffiit isorliit nalunaarnerisigut, taamaattorli tunisassiorfeqarfiup iluani immap immikkoortui A-mut C-imullu immikkoortitaagallarsimasut ataqqineqassallutik.

Imm. 2. A-mut imaluunniit C-imut immap immikkoortui immikkoortitaagallarsimasutut nalunaarutigineqarsimasut annertussusaaq kippariffaarissutut 3 x 3 sømilitut nalunaarneqartassaaq misiligutissanik tigusiffiusimasuni sumiiffinni pingasuni, immap immikkoortuisa sinaasa nalunaarutsernerisigut titarniusat sanimukaartut ammukaartullu parallel-iusut atorlugit. Immap immikkoortua naatsorsorneqassaaq sumiiffiup qiterpiaaniit, sumiiffiit pingasut taaneqarsimasut agguaqatigiissinnerisisaat.

Imm. 3. Immikkoortiterinissamut misiligutip misissoqqissaarneqarnera imm. 2 naapertorlugu immap immikkoortuata A-mut immikkoortinneqarallarneranik nalunaaruteqarnermik kinguneqarpat, tunisassiorfeqarfiup pineqartup ilaa, sapaatip akunnerani tassani uillunit tappiorannartunut uumassuseqarsinnaasunut misissueqqissaarnissamut misiligutissanik tigusiffiusimannigitsooq, B-imut immikkoortinneqarallararsimasutut nalunaarutigineqassaaq.

Kapitali 5

Uumassuseqarsinnaasunut tappiorannartunut immikkoortiterinermut ataannartumut piimasaqaatit

§ 17. Fødevestyrelsi uumassuseqarsinnaasunut tappiorannartunut immikkoortiterinermik ataannartumik piimasaqaateqarsinnaavoq aamma § 15-imi taaneqartut tunisassiorfeqarfimmi aalajangersimasuni imaluunniit uillunut il.il. uumasooqatigiinnut ilaasunut immikkuullarissunut misiliinerit akulikissusaannik ikilisitsisnaavoq, tunisassiorfeqarfimmi imaluunniit uilluni il.il.

uumasogatigiinni ilaasunut immikkuullarissunut pineqartuni uumassuseqarsinnaasunik tappiorannartunik mingutsitsinissamut ulorianaateqarsinnaaneraniq naliliinerup takutippagu tamakkoqarnissaata ulorianassusaa annikitsuararsuusooq. Ulorianartoqarsinnaaneranut naliliineq minnerpaamik ukiumut ataasiarluni naliliivigineqartassaaq uilluni tunisassiorfeqarfimmi pineqartumi imaluunniit uilluni il.il. uumasogatigiinni ilaasunut immikkuullarissunut pineqartuni uumassuseqarsinnaasunik tappiorannartunik mingutsitsinissamut ulorianaateqarsinnaaneranut allannguutaasinnaasunik naliliinikkut, immikkoortiterinermut ataannartumut imaluunniit A, B imaluunniit C-imut immikkoortiterinermut ataannartumut tunniunneqartumut sunniuteqartussaasunut.

Kapitali 6

Tunisassiorfeqarfiit - uumassuseqarsinnaasunut tappiorannartunut ataannartumik immikkoortiterneqarsimasut

§ 18. Fødevareregion Nord, Kontrolafdeling Viborg uilluni il.il. uumasogatigiinni ilaasut tamaasa immikkoortillugit tunisassiorfeqarfiit uumassuseqarsinnaasunut tappiorannartunut A, B imaluunniit C-imut ataannartumik immikkoortiterneqarsimanerat uppersaasaaq:

- 1) Salliutillugit tunisassiorfeqarfimmi ulloq katersuiffissaq siulleq sapaatip akunneraniq sioqqullugu uillunit il.il. suli uumasunit tappiorannartunik uumassuseqarsinnaasuni mingutsitsinermut misiligutinik pingasunik tiguspapat, nassiuspapat misissueqqissaarnernillu qulakkeerippat ilanngussaq 7-imi aalajangersakkat malillugit.
- 2) Nr. 1-imi misiligutit taaneqartut annat aqutigalugit tunillaasinnaanermut – *E. coli-qarsinnaanermit* misissoqqissaarneqarpata ilanngussaq 7-imi aalajangersakkat malillugit.
- 3) Nr. 1-imi taaneqartut misiligutit tunisassiorfeqarfimmi A-mut ataannartumik immikkoortinneqarsimasuneersut *Salmonella-qarsinnaanermit* misissoqqissaarneqarpata, ukiumut sisamariarluni, taammaattorli ukiup sisamararterutaanut minnerpaamik ataasiarluni, ilanngussaq 7-imi aalajangersakkat malillugit.
- 4) Salliutillugit tunisassiorfeqarfimmi qulakkeerippat, misissueqqissarnerit inernerisa inernerit immikkoortiterinermut atorneqarnissaannik kissaateqarnermik paasissutissartalerlugit, Fødevareregion Nord, Kontrolafdeling Viborg-imut nassiuunneqarnerannik.
- 5) Fødevareregion Nord, Kontrolafdeling Viborg-ip uillunit il.il. misiligutit tamarmik misissueqqissaarnermi inerneris nalilerpagit, uumassuseqarsinnaasunik tappiorannartunik immikkoortiterisarneq pillugu aalajangersakkanut naleqquttuunerat Kalaallit Nunaannut inuussutissani uumassuseqarsinnaasunut tappiorannartunut killissaritaasut pillugit nalunaarummiittunut aamma Kalaallit Nunaannut nerisassiat uumasuneersut pillugit pisortat nakkutilliinissaannik aaqqissuusinermit aalajangersakkat immikkut ittut pillugit nalunaarummiittunut.

Imm. 2. Ilanngussaq 1-imi taaneqarsimasut nalunaarnerisigut tunisassiorfeqarfiit normui taaneqarsimasut Fødevareregion Nord, Kontrolafdeling Viborg-ip nalunaarutigissavai tunisassiorfeqarfiit sorliit, ataannartumik immikkoortiterneqarsimasut uppersaasimeqarsimanersut aamma qanoq sivistutisumik uppersaasimeq atutissanersooq ilisimatissutigalugu Fødevarestyrelsen nittartagaatigut www.foedevarestyrelsen.dk/Kontrol/Kontroltyper/Muslingeovervaagning- ikkut.

§ 19. Uumassuseqarsinnaasunut tappiorannartunut tunisassiorfeqarfiit katersuiffigineqarnissamut ataannartumik immikkoortiterneqarsimasutut uppersararneqarsimanerat A-mut ataannartumik immikkoortinneqarsimanerat sapaatit akunnerini 4-ni atuuppoq, B-imut ataannartumik immikkoortinneqarsimanerat sapaatit akunnerini 13-ini, C-imut ataannartumik immikkoortinneqarsimanerat sapaatit akunnerini 26-ini, ullormit, Fødevareregion Nord, Kontrolafdeling Viborg-ip nalunaaruteqarnerminut atatillugu nalunaarneraniit, tamatumalu kingorna ataannartumik immikkoortiterinermik uppersaasimaneq taamaaliinnarluni atorunnaassaaq, takuulli imm. 2.

Imm. 2. Tunisassiorfeqarfimmik tappiorannartunik uumassuseqarsinnaasunut ataannartumik immikkoortiterineq § 18, imm. 1-imi malittarisassat malillugit attatiinnarneqarsinnaavoq, salliutillugit tunisassiorfeqarfiit uillunit il.il. piffissap uppersararneqarsimasup naanissaa sapaatip akunneranik sioqqullugu misiligutissamik ataatsimik tigusarpat.

Imm. 3. Fødevareregion Nord, Kontrolafdeling Viborg-ip tunisassiorfeqarfimmik B-imut ataannartumik immikkoortinneqarsimasup iluaniittumik immap immikkoortuanik A-mut immikkoortiterigallarsimanermik nalunaaruteqarsinnaavoq. Immap immikkoortuanut A-mut immikkoortitsineq pilersinneqarsinnaavoq § 16 naapertorlugu, immikkoortiterigallarsimanerullu sivissusaa sapaatip akunneraavoq, takuuk § 15, imm. 1.

Sukannerusumik misiligutissanik tigooraaneq

§ 20. Salliutillugit tunisassiorfeqarfiit, uumassuseqarsinnaasunut tappiorannartunut killissarititaasut, Kalaallit Nunaannut inuussutissani uumassuseqarsinnaasunut tappiorannartunut killissarititaasut pillugit nalunaarummiittut, Kalaallit Nunaannut nerisassiat uumasuneersut pillugit pisortat nakkutilliinissaannik aqqissuusinermit aalajangersakkat immikkut ittut pillugit nalunaarummiittut aamma inuussutissalerinermik ingerlatsiviit pillugit Kalaallit Nunaannut nalunaarummiittut qaangerneqarsimappata annertusiamik misiligutissanik tigusissaaq.

Imm. 2. Salliutillugit tunisassiorfeqarfiit apeqquaatinnagu sorleq pineqarnersoq ammaanermut atatillugu misiligutit 3-t qaangiisimanersut imaluunniit attassiinnarnissamut misiligutit aappaa, sapaatit akunnerini maliinnartuni 3-ni minnerpaamik misiligutinik 3-nik tigusissaaq,:

- 1) Killissarititaasut nalingisa qaangerneqarnerata kingorna misiligummik tigusineq siulleq, uillunit 3-t misiligutaassaaq. Misissueqqissaarnerup inerneranni ataatsimi killissarititaasut nalingat qaangerneqarsimappat, sapaatip akunnerani tulliuuttumi aammaloorlugu 3-nik misiligutissanik tigusisoqassaaq tamatumalu kingorna sapaatit akunnerini tullinnguuttuni 2-ni ataasiarluni misiliisoqartassaaq.
- 2) Misissueqqissaarnerit inernerini tamani, takuuk nr. 1, killissarititaasut nalingat ataanneqarsimappat, sapaatit akunnerini tullinnguuttuni 2-ni ataasiarluni misiliisoqartassaaq.

Imm. 3. Ilanngussaq 1-imi taaneqarsimasut tunisassiorfeqarfiit normui taaneqarsimasut Fødevareregion Nord, Kontrolafdeling Viborg-ip nalunaarnerisigut nalunaarutigissavaa tunisassiorfeqarfimmik imaluunniit tukertitsiveqarfimmik annertusineqarsimasunik sukannerusumik uppersaasimaneq killiffiat pillugu Fødevarestyrelsen nittartagaatigut www.foedevarestyrelsen.dk/Kontrol/Kontroltyper/Muslingeovervaagning- ikkut.

Imm. 4. Fødevareregion Nord, Kontrolafdeling Viborg tunisassiorfeqarfimmik C-imut immikkoortinneqarsimasumik uillunit il.il. katersinermik matusigallarsinnaavoq, sukannerusumik misiligutit imm. 2 naapertorlugu tigusineqarsimasut misissueqqissaarneqarsimasullu misissueqqissaarneqarnerisa takutippassuk, C-imut immikkoortinneqarnissamut killissarititaasut nalingat qaangerneqarsimasooq.

*Tunisassiorfeqarfinnik A, B aamma C-imut ataannartumik immikkoortinneqarsimasunik
immikkoortereqqinneq*

§ 21. Fødevarestyrelsi uumassuseqarsinnaasunut tappiorannartunut immikkoortiterineri uilluni il.il. uumasogatigiinni ilaasut tamaasa immikkoortillugit tunisassiorfeqarfinnik ataannartumik A-mut immikkoortinneqarsimasunik B-imut imaluunniit C-imut immikkoortitereqqissaaq, misissueqqissaarnerit inernerisa 5 %-iisa §§ 18 aamma 19-imi taaneqarsimasup piffissap ukiunik 3-nik sivisussuseqartup, tunisassiorfeqarfimmi immikkoortiterineri takussutissap atuuttup takutippagu § 18 naapertorlugu nalunaarutigineqarsimasup B-imut imaluunniit C-imut inissisimalersimanermik allanngortoqarsimanera.

§ 22. Fødevarestyrelsi tunisassiorfeqarfinnik ataannartumik B-mut immikkoortinneqarsimasunik uumassuseqarsinnaasunut tappiorannartunut immikkoortiterineri uilluni il.il. uumasogatigiinni ilaasut tamaasa immikkoortillugit A-imut imaluunniit C-imut immikkoortitereqqissaaq:

- 1) §§ 14, 15, 18 aamma 19-imi taaneqarsimasut misissueqqissaarnerit inernerisa 100 %-iisa piffissap qaammatinik 12-inik sivisussuseqartup iluani, tunisassiorfeqarfimmi immikkoortiterineri takussutissap atuuttup A-mut inissilluni allanngorsimanera takutippassuk.
- 2) §§ 14, 15, 18 aamma 19-imi taaneqarsimasut misissueqqissaarnerit inernerisa 10 %-iisa piffissap ukiunik 3-nik sivisussuseqartup iluani, tunisassiorfeqarfimmi immikkoortiterineri takussutissap atuuttup ajorteriarsimanera takutippassuk, taamaalilluni C-imut aatsaalloorluni immikkoortitsisariaqalerluni.

§ 23. Fødevarestyrelsi uumassuseqarsinnaasunut tappiorannartunut immikkoortiterineri uilluni il.il. uumasogatigiinni ilaasut tamaasa immikkoortillugit tunisassiorfeqarfinnik ataannartumik C-mut immikkoortinneqarsimasunik B-imut immikkoortitereqqissaaq, §§ 14, 15, 18 aamma 19-imi taaneqarsimasut misissueqqissaarnerit inernerisa 100 %-iisa piffissap qaammatinik 12-inik sivisussuseqartup iluani takutippassuk, tunisassiorfeqarfimmi immikkoortiterineri takussutissap atuuttup B-imut inissilluni allanngorsimanera.

§ 24. Fødevarestyrelsi tunisassiorfeqarfinnik uilluni il.il. uumasogatigiinni ilaasut tamaasa immikkoortillugit ataannartumik C-mut immikkoortinneqarsimasunik matusisinnaavoq, §§ 14, 15, 18 aamma 19-imi taaneqarsimasut misissueqqissaarnerit inernerisa 5 %-iisa piffissap qaammatinik 3-inik sivisussuseqartup iluani takutippassuk, tunisassiorfeqarfimmi immikkoortiterineri takussutissap atuuttup allanngorsimanera.

*Tunisassiorfeqarfiit A, B aamma C-imut ataannartumik immikkoortinneqarsimasut pillugit
nalinginnaasumik*

§ 25. Uumassuseqarsinnaasunut tappiorannartunut A, B aamma C-imut ataannartumik immikkoortiterineri piffiup annertussusaa nalunaarutigineqarsimasooq nalunaarneqartassaaq tunisassiorfeqarfimmi pineqartumi naleqqiiffiit isorliit nalunaarnerisigut, taamaalilluni tunisassiorfeqarfik tamakkersimassalluni.

§ 26. Fødevarestyrelsi §§ 18 aamma 19-imi taaneqartunik tunisassiorfeqarfinni aalajangersimasuni imaluunniit uillunut il.il. uumasogatiginut ilaasunut immikkuullarissunut misiliinerit

akulikissusaannik ikilisitsisinnaavoq, tunisassiorfeqarfimmi imaluunniit uilluni il.il. uumasogatigiinni ilaasunut immikkuullarissunut pineqartuni uumassuseqarsinnaasunik tappiorannartunik mingutsitsinissamut ulorianaateqarsinnaaneramik naliliinerup takutippagu tamakkoqarnissaata ulorianassusaa annikitsuaraasoq. Ulorianartoqarsinnaanermut naliliineq minnerpaamik ukiumut ataasiarluni misissorneqartassaaq uilluni tunisassiorfeqarfimmi pineqartumi imaluunniit uilluni il.il. uumasogatigiinni ilaasunut immikkuullarissunut pineqartuni uumassuseqarsinnaasunik tappiorannartunik mingutsitsinissamut ulorianaateqarsinnaaneranut allanguutaasinnaasumik naliliinissaq siunertaralugu.

Kapitali 7

Ataatsimoorluni uumassuseqarsinnaasunik tappiorannartunut misiligutinik tigusineq

§ 27. Fødevarestyrelsen akuersissutigisinnaavaa, tunisassiorfeqarfimmi ataatsimi imaluunniit immap ilaani salliutillugit tunisassiorartut eqimattat uillunik il.il. katersuisut, imaluunniit ingerlatsiviit eqimattat, uillunik il.il. piffimmi tunisassiorfeqarfimmi ataatsimeersumit imaluunniit immap ilaanit, tigooqqaasartut, taakkuninnga §§ 14, 15, 18 aamma 19-imi taaneqartunik misiligutinik uillunit misiligutissanik tigooraanissamut ataatsimut pilersaarusoqatigiinnermik pilersitsinissaat.

Imm. 2. Imm. 1 aamma 2-imi akuersissutit taaneqartut tunniunneqartarput ingerlatsiviit aamma salliutillugit tunisassiorartut piunasaqarfigalugit:

- 1) Sapaatit akunnikkaartunik misiligutissanik tigooraaviit sumiissusaat tamaasa najoqqutassianut søkortinullu nalunaarneqarsimasunik takussutissanik imaqartunik allattugaatiliortassasut, angallatip normuata imaluunniit tukertitsiveqarfiup normu akuersissutaata, tunisassiorfeqarfiup normuata, ulloq misiligutissamik tigusiffisup aamma ulloq misiligummik tigusaqarfiusup nalunaarnera ilanngullugu.
- 2) Tunisassiorfeqarfinit nutaanit tamanit, ammarneqarnissaat kissaatigineqartunit immikkoortiterinissamut misiligutit minnerpaamik 3 nassiutissagaat, aamma attassiinnarnissamut misiligutit ataaseq tunisassiorfeqarfinit ingerlasunit tamanit imaluunniit immap ilaanit ingerlatsivigineqartunit tamanit.
- 3) Nakkutilliinermi misiligutit toqqortarissagaat kingusinnerusukkut uumassuseqarsinnaasunut tappiorannartunut misissoqqissaarneqariaarsinnaanerannut tunngatillugu.
- 4) Allattugaatit nr. 1-imi taaneqartut qarasaasiatigoortillugit sapaatit akunneri tamaasa Fødevareregion Nord, Kontrolafdeling Viborg-imit nassiuttassagai, muslingeovervågning@fvst.dk-imit. Nassiussineq pisassaaq sapaatit akunnerani pineqartumi ulloq katersuiffik siullermi.

Kapitali 8

Saliinissaq siunertaralugu tukertitsivimmu iliseqqinneq

§ 28. Saliinissaq siunertaralugu uillunik il.il. tukertitsivimmu iliseqqinneq taamaallaat tunisassiorfeqarfinni A-mut immikkoortinneqarsimasuni pisinnaavoq, siunertamut tassunga Fødevarestyrelsiminngaanniit akuerineqarsimasooq. Uillut il.il., tukertitseqqittarfinnit qimatsigaangamik, uillunut il.il. uumassuseqarsinnaasunut tappiorannartunut killissaritaasut nalingannut tukertitsiveqarfimmut A-mut immikkoortinneqarsimasunut piunasaqatit eqqutissimasassavaat.

Imm. 2. Iitseqqittarfiit ersarissumik killilersorneqarsimassapput puttaqutit, napparutit imaluunniit atortut allat nikinnaveerneqarsimasut atorlugit. Iitseqqittarfiit assigiinngitsut akunnerminni imminnut minnerpaamik 300 m-inik ungasissuseqassapput.

Imm. 3. Iitseqqittarfiit agguataarneqarsimassapput uiloqatigiit immikkoortukkaat imminnut akulerussinnaajunnaarlugit.

Imm. 4. Ingerlatsiviit, uillunik il.il. uumassuseqarsinnaasunut tappiorannartunut salinneqarnissaat siunertaralugu ilitseqqittartut nunap assinganik nassiussapput ilitseqqittarfiit sumiissusaat eqqortut nalunaarlugit, aammalu allagartap akuersissutip normua Fødevareregion Nord, Kontrolafdeling Viborg-imut.

§ 29. Uillut il.il. suli uumasut qajassuartumik passunneqassapput, ilineqaqqikkunik piaartumik inuussutissartornertik aallarteqqinniassammassuk. Qaleriiaarnerisa inuussutissartornissaat salinnissaallu ajornarsitissanngilaa.

Kapitali 9

Tunisassiorfeqarfii – mingutsitsinerit akuutissaneersut

§ 30. Salliutillugit tunisassiorfeqarfimmi ullormi katersiffimmi siullermi ukiumi pineqartumi ullorsiutit malillugit mingutsitsinernut akuutissaneersumut uillunit il.il. uumasunit misiligummik tigusissaaq, nassiussissaaq misissueqqissaarnermillu qulakkeeraluni ilanngussaq 8-mi aalajangersakkat malillugit.

Imm. 2. Tukertitaanngitsunik pectinidae-nik (uiluiit) imm. 1-imi misiligutit taamaallaat uiluiit, nerisassiarineqarniartut nerineqarsinnaasortaaneersuussapput.

Imm. 3. Salliutillugit tunisassiorfeqarfimmi qulakkeerissaaq, imm. 1-imi taaneqartut misiligutit inernerisa Fødevareregion Nord, Kontrolafdeling Viborg-imut nassiunneqarnissaannik.

Imm. 4. Imm. 1-imi aalajangersagaq apeqqutaatinnagu uillunit il. il. uumasunit misiligutinik tigusinermut ataatsimoorluni aaqqissuusinerit Fødevarestyrelsen akuerisinnavaai, akuutissanik mingutsitsinermut misissoqqissaarneqarnissamut nassiunneqartut, ilanngussaq 8-mi aalajangersakkat malillugit.

§ 31. Fødevarestyrelsen uillunik il.il. tunisassiorfeqarfimmi aalajangersimasuni imaluunniit uillunut il.il. uumasuatigiinnut ilaasunut aalajangersimasunut katersineq inerteqqutigisinnavaa, § 30-imi taaneqartuni piffimmi misiligutini uilluni il.il. akuutissanik mingutsinerit killissarititaasut nalingata annerpaaffissaanik qaangiisimappat Inuussutissani mingutsitsinerit aalajangersimasut pillugit Kalaallit Nunaannut nalunaarummiittunik.

Kapitali 10

Nalunaarsorneqarsimanermut uppenarsaatit, allattugaatit il.il.

§ 32. Uillunut il.il. immikkoortukkaanut tamanut katersorneqartunut, salliutillugit tunisassiorfeqarfimmi aamma ingerlatsivik, inuussutissalerinermik ingerlatsiviit pillugit Kalaallit Nunaannut nalunaarummiittut nalunaarsorneqarsimanermut uppenarsaatit pillugit aalajangersakkat eqqutinnissaat anguniarlugu, nalunaarsorneqarsimanermut uppenarsaatinik immersuissaaq, minnerpaamik ilanngussaq 9-mi paasissutissanik taaneqartunik imaqtumik.

Imm. 2. Tulaassisoqarnerisa kingorna piaartumik salliutillugit tunisassiortoq imm. 1-imi nalunaarsorneqarsimanermut uppersaatiit immersorneqarsimasut assilinerinik Grønlands Fiskerilicenskontrolimut nassiussisassaaq.

§ 33. Salliutillugit tunisassiortut aamma ingerlatsiviit uillunik il.il. katersisartut, suliarinnittartut imaluunniit nioqquteqartartut, allattugaateqassapput nalunaarsorneqarsimanermut uppersaatiit, tiguneqarsimasut aamma nassiuteqqinneqarsimasut, tamarmik assilerinik tamanik imaqtumik.

Imm. 2. Allattugaatit salliutillugit tunisassiortumi aamma ingerlatsivimmi toqqortarineqassapput, piffissami tunisassiap atuussinnaaffiani taamaattorli minnerpaamik qaammatini 12-ini ullormi tunisassiap immikkoortukkaap nassiunneqarfianiit kisinneqartumit.

Kapitali 11

Saliinermi, allanngutsaaliuinermi sioraajaanermilu erngup imarmeersup atorineqartartup ipeqannginnissaanut piunnaasaatit

§ 34. Ingerlatsiviit saliinermik, allanngutsaaliuinermik sioraajaanermillu suliaqartut qulakkiissavaat, erngup imarmeersup suliffeqarfimmut isaatineqartup, tunisassiorfeqarfinit ilanngussaq 1-imi taaneqartuneersuunissaa kiisalu uumassuseqarsinnasunut tappiorannartunut aamma akuutissanut mingutsitsinermut akoqarnermut killissarititaasut nalingannik eqquutitsinissaa. Kalaallit Nunaanni inatsisit atuuttut naapertorlugit aalajangerneqarsimasumut, kiisalu ilanngussaq 4-mi algenut toqunartulinnut killissarititaasut nalingannik eqquutitsinissaa.

Imm. 2. Imaq imarmeersoq ipeqanngitsoq, *E. coli-mik* 100 ml-imi 14 *cfu* –mik akoqartoq, uillunik il.il. kissallugit suliarineqartussanut sioraajaanermi atorineqarsinnaavoq, Kalaallit Nunaannut inuussutissalerinermik ingerlatsiviit pillugit nalunaarummiittut malillugit.

Imm. 3. Ingerlatsiviit saliinermut, allanngutsaaliuinermut sioraajaanermullu imermik imarmeersumik atuisartut, tunisassiorfeqarfinit ataasiakkaaneersut, nunap assinganik tunisassiorfeqarfinni ataasiakkaani imermik tigooraaffigisat sumiiffiinik eqqortumik nalunaarsorsimasunik aammattaaq akuerisaasimanermut uppersaatiit normuanik Fødevareregion Nord, Kontrolafdeling Viborg-imut nassiussisapput. Imermik tigooraaviit sumiiffii allanngortinneqarpata Fødevareregion Nord, Kontrolafdeling Aalborg-imut akuersissummik qinnuteqartoqassaaq kiisalu Kontrolafdeling Viborg-imut nalunaaruteqarluni.

§ 35. Fødevareregion Nord, Kontrolafdeling Viborg tunisassiorfeqarfinit ataasiakkaanit imermik imarmeersumik saliinermut, allanngutsaaliuinermut sioraajaanermullu atorineqartussamik immikkut ammassaaq, imaattoqarpat:

- 1) Ingerlatsiviup tunisassiorfeqarfimmi imermik tigooraavissap ammarfissaa sapaatiit akunneranik sioqqullugu algenik toqunartulinnik imaqtassutsumut imermik misiligummik tigusissappat, nassiussippat qulakkeeralunilu aalajangersakkat ilanngussaq 3-miittut malillugit misissoqqissaarneqarsimasut.
- 2) Ilanngussaq 1-imi misiligutit taaneqartut misiligutissamik tigusiffiup naleraa, kuuffik, imermik tigooraaviusup naleraa ersarinnerusumik nalunaarneqarsimasumi tiguneqarsimappata, ingerlatsiviup akuersissutaata normuanut ilanngullugit nalunaarutigineqartunut.
- 3) Ingerlatsivik qulakkeerinnippat, misissueqqissaarnerit inernerisa Fødevareregion Nord, Kontrolafdeling Viborgimut nassiunneqarnerannik.

- 4) Misissueqqissaarnerit inernerinik takutinneqarpat, imermi alget toqunartoqassusaata killissarititaasut nalingat ilanngussaq 4-miittoq eqqutikkaa.
- 5) Fødevareregion Nord, Kontrolafdeling Viborg, imeq imarmeersaq ingerlatsiviup imermik tigooraavianeersaq saliinissamut, allanngutsaaliuinissamut sioraajaanissamullu naleqquttuuneranik naliliippat.

Imm. 2. Ilanngussaq 1-imi allanneqarsimasut tunisassiorfeqarfiit normuisa nalunaarnerisigut aamma ingerlatsiviup akuerisaasimanermut normuata nalunaarneratigut, Fødevareregion Nord, Kontrolafdeling Viborg, Fødevarestyrelsen nittartagaatigut www.foedevarestyrelsen.dk/Kontrol/Kontroltyper/Muslingeovervagning nalunaaruteqassaaq imermik tigooraaviit sorliit saliinissamut, allanngutsaaliuinissamut sioraajaanissamullu ammarneqarsimanersut.

§ 36. Imermik imarmeersumik saliinermut, allanngutsaaliuinermut sioraajaanermullu tigooraavik ulloq Fødevareregion Nord, Kontrolafdeling Viborg, -ip ammaanermut atatillugu nalunaaruteqaraniit sapaatip akunnera ammassaaq tamatumalu kingorna taamaaliinnarlugu matuneqarluni.

Imm. 2. Imermik imarmeersumik saliinermut, allanngutsaaliuinermut sioraajaanermullu tigooraavimmik ammaaneq § 34-imi malittarisassat malillugit ingerlatiinnarneqarsinnaavoq, ingerlatsivik imermik imarmeersumik katersuiffiup ulluisa siullianni sapaatit akunnerini ammaffigisaani tamani misiligutissanik tiguisarpat.

§ 37. Fødevarestyrelsi § 35-imi misiligutit taaneqartut sapaatip akunnikkaarnerannik akuttunerulersitsisinnaavoq, ulorianartoqassutsimut naliliinerit Fødevarestyrelsiminngaanniit suliarineqarsimasut arlaata tunisassiorfeqarfimmiit imermik tigooraavimmi algenut toqunartoqassutsip takutippagu taakkoqassusaata ulorianartua annikitsuarsuusooq. Ulorianartoqassutsimut naliliineq akuttoqatigiiaamik nalilerneqaaqqittassaaq.

Saliinermi, allanngutsaaliuinermi sioraajaanermilu imermik imarmeersumik atuinermi algenik toqunartulinnik aamma alget toqunartuinik sukannernerusumik nakkutilliineq

§ 38. Fødevareregion Nord, Kontrolafdeling Viborg, ilanngussaq 5, kapitali 2-mi aalajangersakkat malillugit imermik imarmeersumik saliinermut, allanngutsaaliuinermut sioraajaanermullu imermik tigooraavimmik atuneq sukannernerusumik nakkutilliinerup ataani ingerlanneqassanersaq aalajangiisinnaavoq, imarmi algenik toqunartoqassutsimut killissarititaasut nalingat ilanngussaq 4-miittoq qaangersimagaat paasineqarpat imaluunniit peqqinnissaq eqqarsaatigalugu najoqqutarineqartartoq inuussutissalerinermik ingerlatsiviit pillugit Kalaallit Nunaannut nalunaarummiittoq alget toqunartuisa uilluni il.il. katersuussimanerisa/nippussuussimanerisa ataappassuk.

Imm. 2. Fødevareregion Nord, Kontrolafdeling Viborg, ilanngussaq 5, kapitali 2-mi aalajangersakkat malillugit imermik imarmeersumik saliinissamut, allanngutsaaliuinissamut sioraajaanermullu imermik tigooraavimmik atuneq sukannernerusumik nakkutilliinerup ataani ingerlanneqassasooq aalajangiisinnaavoq, Pseudo-nitzschia spp.-eqarnerata nalingat killissarititaasooq qaangersimagaa takussutissaqarpat, kisianni uilluni il.il. alget toqunartoqarnerisooq takussutissaqarani.

Imm. 3. Pseudo-nitzschia spp.-eqarneranut killissarititaasup nalinga qaangerneqarsimappat, aamma uilluni il.il. alget toqunartoqarnera takussutissaqarpat, Fødevareregion Nord, Kontrolafdeling Viborg imermik tigooraanermik matusissaaq.

Imm. 4. Fødevareregion Nord, Kontrolafdeling Viborg saliinermut, allanngutsaaliuinerlut sioraajaanermullu imermik imarmeersuumik atorineqartussamik imermik tigooraanerup, Pseudo-nitzschia spp.-eqassutsimut nalingata killissarititaasumik qaangiisimanerata nalaani sukannernerusumik nakkutilliinerup ataani ammarneqarsimasumi ingerlanneqassanersoq aalajangiisinnaavoq, takuuk imm. 2, tamanna ingerlanneqarsinnaavoq ilangussaq 5, kapitali 2-imi nalunaarneqarsimasunit pissutsini qajassuarnarnerusuni. Tunisassiortoq Fødevarestyrelsilu pissutsit qajassuarnartut pillugit allakkatigut nalunaarfigineqassapput.

Kapitali 12

Misissuinerlut aningaasartuutit

§ 39. Una nalunaarut naapertorlugu misiligutissanik tigusinerlut, nassiussinernut misissuinerlut kiisalu misissueqqissaarnerit inernerinik nalunaaruteqarnernut atatillugu aningaasartuutit tamarmik Fødevarestyrelsimut attuumassuteqanngillat.

Kapitali 13

Pillaanermut aamma atuutilersitsinerlut aalajangersakkat

§ 40. Akiliisitaanermik pillarneqassaaq

- 1) § 3, § 4, imm. 1, § 5, §§ 7-10, §§ 12-13, § 14, imm. 1, § 15, imm. 1-2, § 16, § 18, imm. 1, § 19, § 20, § 27, imm. 2, § 28, §§ 30-35-inik unioqqutitsisoq imaluunniit
- 2) § 6, § 15, imm. 2-4, § 25, § 28, § 29, imaluunniit § 36 naapertorlugit atugassaritaasunik aalajangerneqarsimasunik sumiginnaasoq.

Imm. 2. Unioqqutitsineq aktie- imaluunniit anpartselskabimit, peqatigiiffimmit , aningaasaateqarfimmit assigisaannilluunniit unioqqutitsineruppat selskabi, peqatigiiffik, aningaasaateqarfik il.il. taamaattutut akiliisussanngortinneqarsinnaapput.

§ 41. Nalunaarut atuutilerpoq 15. marts 2008.

Imm. 2. Peqatigitillugu uillut il.il. pillugit Kalallit Nunaannut nalunaarut nr. 116, 24. februar 2005-imeersoq atorunnaarsinneqarpoq.

Fødevarestyrelsen, ulloq 13. februar 2008

ANDERS MUNK JENSEN

/Salima Benali